

稀見地方史料叢書

學苑出版社

中國稀見地方史料集成

董光和 齊希 編

中國稀見地方史料集成

第十四冊

汴京遺蹟志・二
洛陽都會變遷攷

學苑出版社

PDG

(明)李濂撰 民國十一年刻本

汴京遺蹟志·二

明名臣義

新學社

PDG

汴京遺蹟志卷十二

三怡堂叢書

明 李濂 撰

雜志一

汴宋九帝紀年

宋太祖姓趙氏諱匡胤其先涿郡人庚申以殿前都點檢受周禪時年三十三因五代之舊都汴在位十七年丙子崩壽五十

改元三

建隆三
開寶九

乾德五

太宗諱炅初名匡義太祖之弟賜名光義封晉王丙子嗣立時年三十七在位二十二年丁酉崩壽五十九

改元五

太平興國八

至道三

端拱二

真宗諱恒初名元侃太宗第三子丁酉嗣立時年二十九

在位二十六年壬戌崩壽五十五

改元五

咸平六 景德四

大中祥符九

仁宗諱禎初名受益真宗太子壬戌嗣立時年十二在位

四十二年癸卯崩壽五十四

改元九

天聖九 明道二 景祐四
寶元二 康定一 慶曆八
皇祐五 至和二 嘉祐八

英宗諱曙初名宗實濮安懿王子詔立爲皇子癸卯嗣立

時年三十三在位五年丁未崩壽三十八

改元一

治平四

神宗諱顒英宗太子丁未嗣立時年十九在位十九年乙丑崩壽三十八

改元二

熙寧十
元豐八

哲宗諱煦初名傭神宗太子乙丑嗣立時年十歲在位十五年庚辰崩壽二十五

改元三

元祐八
元符三

紹聖四

徽宗諱佖神宗第十一子封端王庚辰嗣立時年十九在位二十五年乙巳禪位于太子丁未敵人陷中原北狩後九年乙卯崩于五國城壽五十四

改元六

建中靖國一
政和七

崇寧五
重和一

大觀四
宣和七

欽宗諱桓徽宗太子乙巳受禪嗣位時年二十五丁未金人陷中原北狩後三十四年庚辰崩壽六十一

改元一

靖康一

一統志 宋太祖永昌陵太宗永熙陵貞宗永定陵
仁宗永昭陵英宗永厚陵神宗永裕陵哲宗永泰陵
皆在河南府鞏縣西南

周密癸辛雜識 徽宗欽宗初葬五國城後數遣祈
請使欲歸梓宮凡六十七年而後許以梓宮送行在
高宗親至臨平奉迎易總服寓于龍德別宮一時朝

野以爲一大事諸公論功受賞者幾人費于官帑者
大不貲先是選人楊煒貽書執政以爲真僞未辨左
宣義郎王之道亦上奏乞命大臣斷而視之旣而禮
官請用安陵故事梓宮入境卽承之以槨仍納衮冕
罩衣於槨中不改鍾馗從之近者楊髡盜發諸陵於
二陵梓宮內略無所有其一止有朽木一段其一則
木燈檠一事耳當時已逆料其真僞不可知不欲逆
詐亦聊以慰一時之人心耳蓋二帝遺骸飄流沙漠
初未嘗還也哀哉

王鏊讀宋史 宋自建隆至慶厯人主以恭恕爲心

宰輔以寬厚稱上意天下稱治至神宗狹小宋家制度欲大有爲而王安石相之凡祖宗之制一切掃去天下騷然遂基一代之亂元祐初召用司馬光凡新法之不便民者一切掃去紹聖間章蔡得志復取元祐之政一切掃去追奪司馬光等官蔡京繼之而元祐元符諸賢竄徙殆盡又倡爲豐亨豫大之說以侈靡蠱惑君心遂致中原淪陷而二帝蒙塵矣悲夫

宋官制沿革

按宋官制沿革各家紀載互有異同惟黃琦元禮論宋之新舊官制頗爲詳密其略曰國朝自太祖設官分職多襲

五代之制雖稍有增損大體仍舊唐制省部寺監之官無所職掌別領內外任使省部寺監別設主判官員額惟以侍中中書令同中書門下平章事爲宰相乾德二年始置參政爲宰相副貳初以薛居正呂餘慶爲之宰相所居省謂之中書門下國政所出兵政隸樞密院承五代之制有使副使太宗朝命石熙載以樞密直學士簽書樞密院事後以張士遜爲知樞密院事寇準溫仲舒同知樞密院事治平中郭達以檢校太保同簽書樞密院事故樞密有使副使知院同知院簽書院員額與中書號爲二府尙書置判尙書都省一員掌百官赴省集議及大祀受禪戒之事

六部各有主判率以學士待制館閣官領之吏部郎審官東院掌尙書左選審官西院掌尙書右選吏部南曹掌侍郎右選三班院掌侍郎右選流內銓考功郎官之職也戶部郎三司使尙書之任也其官崇職重久次者爲使稍輕則爲權使資淺則爲權發遣使公事度支副使戶部副使鹽鐵副使各一員此侍郎之任也別置司判官八人度支判官戶部判官鹽鐵判官各一員所掌本曹郎官之職也判會案一員掌造器械唐軍器監職也判修造案一員唐工部將作少府監職也判磨勘司一員掌勾考唐比部職也判戶院一員掌審司出納及審覆官諸司兵級請

俸舊兼禁軍以繁冗別立諸司專計司掌之以分其職判
理欠司一員掌催促諸路遺欠禮部有判部及判禮部貢
院卽尙書侍郎之任內兵部事歸樞府工部事歸三司故
此二部不設主判官多以別官兼之刑部則判審刑院及
詳議官掌詳覆諸路奏案是其職也翰林學士襲唐制以
六員爲額其帶知制誥卽釐本院職事其別領省府職任
卽不帶知制誥內年德俱重者一員爲承旨知通進銀臺
司兼門下封駁事其任卽給事中也而隸樞密院知制誥
卽中書舍人之職也御史臺雖有大夫員而不除以中丞
爲臺長次侍御史知雜事侍御史裏行殿中侍御史裏行

監察御史監察御史裏行已上爲諫官以別官兼領官卽爲知諫院同知諫院亦有正諫議大夫司諫正言者九寺則判太常寺禮院卽卿之任也資輕者爲知院同知院兼掌博士之職宗正有判寺一員太僕職屬羣牧司有制置使一員以樞府及學士領之有判官一員大理則糾察在京刑獄是其職也鴻臚歸客省四方館光祿司農太府其職皆隸三司衛尉無所總轄其職分爲金吾衛仗司其環衛之任分隸三衙皇城司故此五寺別無置司并王判官員秘書省卽昭文館史館集賢院謂之三館與秘閣同隸本省有直館直院直閣校理館閣校勘謂之館職初除於

本省供職一年出補內外任使昭文史館有直館集賢院
有學士修撰直院校理秘閣有直閣核理又有判秘書省
秘閣一員專掌省事國子監有判其資淺者爲同知或同
管卽祭酒司業之任博士轉而爲直講將作少府軍器三
監之職並屬三司而都水無常員遇興役卽差官亦係三
司差人迨熙寧興役法水利方置判司農寺并司農寺丞
員闕建大理寺方置權發遣大理少卿公事二員職掌官
外有學士待制等員惟觀文殿大學士仁宗朝以賈昌朝
辭使相特建此職仍詔非曾任宰相不除觀文殿學士資
政殿大學士資政殿學士端明殿學士翰林侍讀侍講學

士龍圖天章寶文閣學士直學士樞密直學士三閣待制皆爲侍從清望之選並無職掌多帶職以領在內省府寺監在外藩方任使自資政以上多以授二府舊臣此國朝舊制如此元豐初始命置局詳定官制在內設尙書省置令左右僕射門下省置侍中中書省置令已上爲宰相而兩令侍中不除人尙書有左右丞門下中書各有侍郎樞密院有知樞密院事同知樞密院事已上爲執政官尙書六部吏部一尙書二侍郎分掌四選吏部司封司勳考功屬焉戶部一尙書二侍郎分左右曹而戶部度支金部倉部屬焉禮部一尙書一侍郎禮部祠部主客膳部屬焉兵

部一尙書一侍郎兵部職方駕部庫部屬焉刑部一尙書
一侍郎刑部都官比部司門屬焉工部一尙書一侍郎工
部屯田虞部水部屬焉每部郎官二員知州已上資序及
階官朝議大夫已上爲郎官餘員外惟吏部戶部刑部郎
官各置四員以其劇曹也左右司郎官各二員通糾六部
號都司專佐宰相理省事謂之宰屬翰林學士定以二員
爲額久次者爲承直御史臺官名如舊制而除知雜事及
襄行之名門下後省置左散騎常侍而不知除人給事中
四員起居郎一員左諫議大夫左司諫左正言寓焉中書
後省置右散騎常侍而不除人中書舍人六員起居舍人

一員右諫議大夫右司諫右正言寓焉號兩省官秘書省有監少監丞郎校書郎正字著作郎佐郎寓焉號館職罷直館院校理等員闕惟存修撰直秘閣號貼職而別領在外任使九寺太常宗正光祿衛尉太僕大理鴻臚司農太府有卿少卿丞簿太常復置博士太祝奉禮協律郎大理則置寺正評事司直四監將作少府軍器置監少監丞簿南外北外丞已上爲寺監官國子監有祭酒司業丞博士學有博士正祿已上爲學官謂職事官置三司使副及諸主判官而其識分隸諸省部寺監羣牧司使名不除而不命官其職皆屬太僕寺以太師太傅太保爲三師太尉司